

Uunga siunnersuut:**Aalisarneq pillugu Inatsisartut inatsisaata allanngortinnissaa pillugu Inatsisartut inatsisissaattut siunnersuut**

(Aalisarneq pillugu Siunnersuisoqatigiit aamma Aalisarnerup Piujuartitsilluni Ineriartortinneqarneranut Siunnersuisoqatigiit il.il. pilersinneqarnissaat pillugit malittarisassanik aalajangersaaneq)

§ 1

Aalisarneq pillugu Inatsisartut inatsisaat nr. 29, 23. maj 2024-meersumi tulliuttut allanngortinneqarput:

1. § 3, nr. 15, ima oqaasertalerneqassaaq:

" 15) ”Piaresaaaneq ”: pisanik suliarinninnerit tamarmik, saliineq, niaquiaaneq, sikulersuineq qerititerinerlu minillugit.

2. § 3, nr. 27, ima oqaasertalerneqassaaq:

"27) ”Nakkutilliinermi oqartussat”: Kalaallit Nunaanni Aalisarnermut Piniarnermullu Nakkutilliisoqarfiup aamma sakkutuut imarsiortut aalisarnermik nakkutilliisut kiisalu § 5, imm. 2 naapertorlugu oqartussaasutut toqqarneqarsimasut.”

3. § 5, imm. 1-2 ima oqaasertaqassapput:

"Kalaallit Nunaanni Aalisarnermut Piniarnermullu Nakkutilliisoqarfiup aamma sakkutuut imarsiortut aalisarnermik nakkutilliinermi ingerlatsisut inatsit, takuuk kapitel 14, naapertorlugu iliuuseqarnersut misissussavaat nakkutigalugillu.

Imm. 2. Naalakkersuisut nakkutilliinermik allanik oqartussanik toqqaasinnaapput, Kalaallit Nunaanni Aalisarnermik Piniarnermillu Nakkutilliisoqarfiup aamma sakkutuut imarsiortut aalisarnermik nakkutilliisut toqqarnagit."

4. § 10, imm. 1, oqaasertalerneqassaaq imatut:

"Akuersissut ingerlatsisumut aalajangersimasumut angallammik aalajangersimasumik pigisalimmuut atulersinneqassaaq, tak. § 9. Akuersissummik piginnittoq kisimi aalisariummik aalisarsinnaatitaavoq. Akuersissutit 6 meterit l.o.a. ataallugit angallatitallit suliffeqarfinnut tunniunneqarsinnaanngillat.

5. § 32, imm. 8, oqaasertalerneqassaaq imatut:

" *Imm. 8.* Imm. 7-mi oqaaseqatigiit siulliit malillugit aalajangersakkanik aalajangersaanermi Naalakkersuisut Inatsisartunut immikkut ilisimatitsissuteqassapput."

6. § 33, imm. 1-imi nr. 3-p kingorna normutut nutaatut ilanngunneqassaaq:

4) Tunumi avataasiorluni qaleralinniarneq: Ukiut qulit."

Nr. 4 aamma 5 tamatuma kingorna nr. 5-inngorlutillu nr. 6-inngorput.

7. Kapitali 13-mut qulequtaq ima allanneqassaaq:

”Kapitali 13

*Aalisarnej pillugu Siunnersuisoqatigiit aamma Aalisarnerup Piujuartitsisumik
Ineriartortinnissaanut Siunnersuisoqatigiit*”

8. § 54 imatut oqaasertalerneqassaaq:

” § 54. Naalakkersuisut aalisarnej pillugu siunnersuisoqatigiinnik pilersitsissapput
(*”Aalisarnej pillugu Siunnersuisoqatigiit*”).

Imm. 2. Sammisat tunngaviusut pillugit ingerlaavartumik Naalakkersuisut Aalisarnej pillugu Siunnersuisoqatigiinnut ilisimatitsissapput, ukulu pillugit oqaaseqaateqarnissamut qinnuigissallugit:

- 1) inuussutissarsiutigalugu aalisarnerup ingerlanneqarnissaa aaqqiiffiqineqarnissaalu pillugit pilersaarusiorneq malittarisassaliornertu,
- 2) pisaqarsinnaassuttip, pisassiissutit, aalisarnermi atortunik atuinnissap, umiarsuarnik tunitsivilinissat kiisalu pisanik kaaviiartinneqarnissap aalajangersarneqarnerat, aamma
- 3) aalisarnerup inuussutissarsiutitut nungusaataannngitsumik ineriartortinneqarnera siuarsarniarlugu suliniutit.

Imm. 3. Aalisarnej pillugu Siunnersuisoqatigiit sammisanik namminneerlutik suliniuteqarlutillu suliarinnissinnaapput kiisalu tamanna pillugu oqaaseqaateqarsinnaallutik.

Imm. 4. Naalakkersuisut suliat kinguartinneqarsinnaannngitsut pillugit aalisarnej pillugu siunnersuisoqatigiinni ilaasortat tamaasa allakkatigut tusarniaaffigisassavaat.

Imm. 5. Aalisarnej pillugu Siunnersuisoqatigiit suliaminnut qanoq suleriuseqassanerlutik aalajangersaassapput.

Imm. 6. Aalisarnej pillugu Siunnersuisoqatigiinnut allattoqarfimmik Naalakkersuisut isumaginnissapput.

Imm. 7. Aalisarnermut tunngassutilinni soqutigisaqatigiit kattuffii attuumassutillit ilaasortannngortinneqarsinnaapput. Naalakkersuisut ilaasortaanermut piumasaqaatinik aamma siunnersuisoqatigiit katitigaanerannut malittarisassanik erseqqinnerusunik aalajangersaasinnaapput. Aalisarnej pillugu Siunnersuisoqatigiinni ilaasortannngornissamut piumasaqaatitut nipangiusimasussaataitanermut uppersaasoqassasoq Naalakkersuisut piumasarisinnaavaat.”

9. § 54-ip kingorna ilanngunneqassaaq:

“ § 54 a. Aalisarnerup ineriartorneranik nalilersuisartussanik immikkut ilisimasalinnik siunnersuisoqatigiinnik (Aalisarnerup Piujuartitsisumik Ineriartortinneqarnissaanut Siunnersuisoqatigiit)-nnik Naalakkersuisut pilersitsissapput. Aalisarnerup Piujuartitsisumik Ineriartortinneqarnissaanut Siunnersuisoqatigiit aalisarnermi pissutsit pillugit Naalakkersuisunut siunnersuissapput, tassunga ilanngullugit aalisarnermi

anigaasarsiornermut tunngasut pissutsit aamma aalisarnermik ineriartortitsinerimi takussaalersut pillugit.

Imm. 2. Aalisarnerup Piujuartitsisumik Ineriartortinneqarnissaanut Siunnersuisoqatigiinnut allattoqarfimmik Naalakkersuisut isumaginnissapput.

Imm. 3. Aalisarnerup Piujuartitsisumik Ineriartortinneqarnissaanut Siunnersuisoqatigiit suleriesissaannik Naalakkersuisut aalajangersaasinnaapput.

Imm. 4. Aalisarnerup Piujuartitsisumik Ineriartortinneqarnissaanut Siunnersuisoqatigiit suliassaateqinnerusut, katitigaanerat, piffissaq suliffissaat il.il. pillugit malittarisassanik erseqqinnerusunik Naalakkersuisut aalajangersaasinnaapput. Siunnersuisoqatigiinni ilaasortanngornissamut piumasaqaatitut nipangiusimasussaataaernermut uppersaasoqassasoq Naalakkersuisut piumasarisinnaavaat."

10. § 77, imm. 3, oqaasertalerneqassaaq imatut:

"*Imm. 3. § 10*-mi allanneqartoq naapertorlugu inuussutissarsiutigalugu aalisarnermut atorineqartunik angallatinik meterinik arfinilinnik angissusilinnik naannerusunilluunniit nalunaarsuineq kingusinnerpaamik 31. december 2028 naammassineqarsimassaaq."

§ 2

Inatsisartut inatsisaat ulloq 1. januar 2027-mi atuutsilersinneqassaaq.

Kalaallit Nunaanni Namminersorlutik Oqartussat, ulloq xx. xx. 2026

Naalakkersuisut Siulittaasuut